

TE HEHEURA A API

I Neia I Te Piha Neneiraa A Te Ekalesia A Iesu Mesia I Te
Feia Mo'a No Te Mau Mahana Hopea Nei, I Papeete,
Tahiti, I Te Mau Fenua Sotaiete, I Te Mau
Ava'e Atoa.

Te hoo: E Piti Toata i te Matahiti.

Nu. 8

Atete 1935

Mat. 29

E tenā na, te fatupu ra te taata i te ohipa maitatai, ua faaroo ia oia i te reo o te tia'i mamoe maitai, e te pee atura ia'na ra: o te taatu râ e faatupu i te ohipa iino, ua riro ia oia ei tamarii na te diabolō, e ua faaroo oia i to'na ra reo, e te pee atura oia ia'na. Alama 5:41.

Na Raau e Piti.

Te na ô maira te Mesia, *Ia maitai roa hoi outou mai to outou Metua i te ao maitai roa ra.* O teie te tipaeraa i hinaarohia e te taata atoa, area ra, nahea tatou e tae atu ai i reira, ua rau te mau huru fifi, te ati e te mau tamata-raa ta tatou e farerei i nia i teie moana rahi, oia hoi, teie nei oraraa. E tae atu anei te taata i taua tipaeraa ra e a ore ra e hurihia to'na pahi *paruparu*, i te area, e te mau faahemaraa a Satane e e riro oia ei mauhaa i roto i to'na rima, i te tautururaa i te huriraa i te tahi tei haere atoa na taua area ra?

E tae ihoa te taata i taua tipaeraa ra, no te mea aita te Atua e ani mai i te taata ia rave i te hoê mea, maori râ, ua horoa mai Oia i te ravea ia oti taua ohipa ra, ia haapaohia taua ture ra.

No reira, eaha te mea ta te Atua i horoa mai i te taata nei ei ravea ia riro oia mai ie Atua te huru? Teie ia:

1.- *Te tiamā o te taata nei.*

2.- *Te ite i te Maitai e te Ino.*

Ua horoahia teie na mea e piti i to tatou na Metua, o Adamu raua o Eva. Ua tanu te Atua i te huero i roto i te hoê faaapu i te hitiaa o te râ i te Ô i Edene, e ua tupu mai te mau raau nehenehe, e i rotopu i teie mau raau nehenehe ua tupu mai te *Raau no te Ora* e te *Raau e ite ai i te Maitai e te Ino*, e te na ô maira te parau papai:

Ua rave ihora te Atua ra o Iehova i te taata, tuu ihora ia'na i roto i taua ô i Edene ra, ei faaapu e ei tia. Ua parau maira te Atua ra o Iehova i te taata, na ô maira, E amu noa oe i to te mau raa atoa o te ô nei; area i to te raau e ite ai i te maitai e te ino, eiaha oe e amu i te reira; ei te mahana e amu ai oe i te reira, e pohe ia oe. Genese 2:15-17.

Eaha te tumu ua opanihia o Adamu raua o Eva ia amu i te maa no te *Raau e ite ai i te maitai e te ino*, e mea ino anei te maa no teie raau? Aita, ua hinaaro ra te Atua ia haapao raua mai te au i to raua tiamâ tei horoahia ia raua, e ia farii raua i te utua e horoahia, te utua maitai, e a ore ra te utua ino, oia hoi, e maiti raua i te mea ta raua e hinaaro.

Ua amu anei o Adamu raua o Eva i to te *Raau e ite ai i te maitai e te ino*? E, ua amu raua. Eaha te tumu i amu ai raua? No te mea ua vare raua i te faahemaraa a te Diabolo. Eaha ta raua atua? O te pohe ia.

E utua te pohe no te hara, area te ora mure ore ra, e mea horoa-noa-hia mai ia e te Atua i roto i to tatou ra Fatu ia Iesu Mesia. Roma 6:23.

Eaha te hopea o to raua amuraa i taua maa ra? Teie ia: Ua parau ihora te Atua ra o Iehova, Inaha, ua riro Adamu mai te hoê o tatou nei, i te ite i te maitai e te ino; e tena na, o te faatoro oia i to'na rima, e rave atoa i to te raau ora ra, e e amu, ia ora roa oia ra. Genese 3:22.

Eaha teie *Raau e Ite ai i te maitai e te ino?* Teie ia, o te Varua o te Mesia, e a ore ra, te Maramarama o te Mesia.

I te Atua ra hoi oia i te matamua ra. I anaana mai na te maramarama i te pouri, aita râ te pouri i farii atu. Oia te maramarama mau, o te haamaramarama mai i te taata atoa i to'na haerea mai i te ao nei. Ioane 1:2, 5,9.— Teie taua faahapa ra, o te maramarama ua tae mai i te ao nei, e hinaaro a'enei te taata i te pouri, aore te maramarama, no te mea te ino ra ta ratou parau. Ioane 3:19.— Inaha hoi, ua horoa-noa-hia mai te Varua o te Mesia i te mau taata atoa ra ia ite ratou i te maitai e te ino; Moroni 7:16.

Eaha te *Raau no te ora?* O te aroha ia o te Atua, oia hoi, te Ora mure ore, *Te horoa a te Atua, i te taata nei, tei hau atu i te rahi.*

I aroha mai te Atua i to te ao, e ua tae roa i te horoa i ta'na Tamaiti fanau tahi, ia ore ia pohe te faaroo ia'na ra, ia roaa râ te ora mure ore. Ioane 3:11.— E ua ite au e, te auri ta to'u metua i ite ra, o te parau ia a te Atua, tei tae atu i te pihaa o te pape ora, oia hoi, i te raau o te ora; e teie nei mau pape, o te faaauraa ia o te aroha o te Atua; e ua ite hoi au e, te raau o te ora, o te faaauraa ia o te aroha o te Atua. I Nephi 11:25.

Te hotu o te *Raau o te Ora*, e mea monamona e te maitai roa hoi. Te hotu ra o te *Raau e ite ai i te maitai e te ino*, e mea avaava ia, no te mea tei te taata nei to'na tiamâ, ia tia ia'na ia rave i te mea tei hinaarohia e ana, te maitai e a ore ra te ino, e e hape hoi te taata i te tahi taime.

Eaha te tumu i tanuhia'i teie na raau i roto i te Ô i Edene, e eaha te tumu i horoahia'i te tiamâ i te taata nei? Ua faaitehia mai te reira i roto i te II Nephi 2:15-23.

E ia faatupu i ta'na mau opuaraa mure ore i te taata nei, i muri a'e i to'na hamaniraa i to tatou na metua matamua, e te mau puaa o te fenua, e te mau manu o te reva, oia hoi i te mau mea atoa i hamanihia ra, ia vai

na pae e piti e tia'i: oia hoi te maa i rahuia ra i te tahi pae, e i te tahi pae, o te raau o te ora ia; e mea monamona te tahi, e e mea avaava te tahi. No reira i faatia'i te Fatu, te Atua, ia rave te taata mai te au i to'na iho hinaaro. E aita e tia i te taata ia rave mai te au i to'na iho hinaaro, maori râ e arataihia oia e te tahi e te tahi. E no te mau mea ta'u i tai'o ra, e mea tia ia mana'o vau, o Lehi, i mairi na te hoê melahi a te Atua mai te ra'i mai, mai te au i tei papaihia ra; no reira i riro ai oia ei diabololo, i titau na hoi oia i tei ino i te aro o te Atua. E ua titau atura oia i te pohe o te mau taata atoa, no te mea ua mairi oia mai te ra'i mai, e ua roohia oia i te ati e a muri noa'tu. I parau atu ai oia, oia hoi taua ophi tahito ra, o te diabololo, oia te metua o te mau parau haavare atoa ra, ia Eva; i parau ai oia e, A amu i to te raau i rahuia ra, e e ore oe e pohe, e riro râ oe mai te Atua ra te huru i te ite i te maitai e te ino.

E amu a'era Adamu raua o Eva i to tei rahuia ra, ua tiavaruhia raua i rapae i te ô i Edene, ia faaapu i te fenua. E ua fanau ta raua tamarii, oia hoi te fetii o te ao atoa nei. Ua haamaorohia te mau mahana o te tamarii a te taata, mai te au i te hinaaro o te Atua, ia tia ia ratou ia tatarahapa a vai ai ratou i te tino nei: i riro ai to ratou oraraa ei tamataraa, e ua haamaorohia to ratou pue mahana mai te au i te mau faaue a te Fatu, ta te Atua, i horoa i te tamarii a te taata nei ra. Ua horoa hoi oia i te faaue ia tatarahapa te mau taata atoa e tia'i. I faaite hoi oia ia ratou e, ua moe ratou atoa ra, no te hara a to ratou na metua. E teie nei, ahiri aita Adamu i hara, aore atoa oia i hi'a, i vai â râ oia i roto i te ô i Edene. E ia vai noa te mau mea atoa i hamanihia ra i roto i te hoê â vairaa i vai ai te reira i muri iho i te hamanihia e tia'i, e ia vai noa e a muri noa'tu e tia'i, aore e hopea. Eaita i tia ia raua ia fanau tāmā i reira, i vai ai râ raua ma te hara ore; aore o raua e oaoa, no te mea aita raua i ite i te ati, aore a raua e haapaoraa i tei maitai, no te mea aita raua i ite i te hara. Ua hi'a Adamu ia vai te mau taata, e te vai nei te mau taata ia roaa to ratou oaoa. II Nephi 2:15-23,25.

Eaha te faufaa ia ite tatou i te maitai e te ino, mai te mea aita to tatou e tiamā ia haapao i te mea i hinaarohia? E haere anei te taata i mua mai te mea o te maitai ana'e ta'na i ite? E faautuahia anei te taata mai te mea ua rave oia i te hara na roto i te haavîraa? Aita, e farii tatou i te utua mai te au i te ohipa i maitihia e tatou, no te mea, *Aita e ture aita'toa e faautuaraa.*

Te tama'i noa nei teie na mea e piti, *te Maitai e te Ino*. A haamana'o tatou i te utua tei tuuhia i nia ia Caina no te ohipa ta'na i rave e te hara a te taata i te tau o Noa.

Ite a'era Iehova, e ino rahi to te taata o te ao nei, e ua ino ana'e te mau mana'o atoa, e te mau opuaraa atoa o te aau i te mau mahana atoa ra. Tatarahapa ihora Iehova oia i hamani i te taata i nia i te fenua nei; ooa roa a'era tana aau. Genese 6:5,6.

Te mau tama'i no teie tau.

E vai noa anei teie huru i roto i teie nei ao? Aita, te vai ra te tau e tairihia'i te taata, e te Atua, no teie mau ohipano. E te feia atoa i teoteo ra, e te feia atoa i rave i te parau ino ra, e riro ia ei aihere ra; e ama ratou ia tae i taua mahana ra, te na reira maira Iehova sabaota ra, ia ore roa te ino ia vai faahou mai i nia i teie nei fenua.

Eiaha tatou e mana'o e, ua moehia tatou i te Atua, no te mea e oti te mau mea atoa ia'na, e e mannia to tatou tere na teie moana rahi, ia tiaturi tatou ia'na. Ua horoa mai oia i te mau ture e te mau faaueraa, e ua faaite mai oia i te mau mea ino. Ua faaite mai Oia i te e'a maitai e ua faaite atoa mai Oia i te e'a ino; area ra, aita roa Oia i faaue mai ia tatou ia haere na teie e'a e a ore ra na tera. Ua horoa mai Oia i to tatou tiamâ, e tei ia tatou te maiti i te e'a e haerehia e tatou, no te mea, To'na hinaaro, ia tamathia tatou nei, ia ite oia e, erave tatou i te mau mea atoa ta te Fatu, to tatou Atua, e faaue mai ia tatou. Ua horoa atoa mai Oia i te hoê Raatira o tei ite i te mau ofai, te aau e te mau mea iino atoa no teie moana, oia hoi to tatou oraraa. E tei ia'na te mana ia haamarû i te miti. Ua tia a'era oia i nia, avau atura i te mata'i, e ua na ô atura i te are, a faaea a mania. Pohe ihora te mata'i, mania roa'tura. Mareko 4:39.— 'Te mau mea atoa, noa'tu i te huru, ta te Fatu, to tatou Atua, e faaue mai ia tatou, ua amuibia ia i roto i te evanelia a Iesu Mesia.

No reira, te e'a te aratai atu i te ora, o teie ia: E Faaroo ia Iesu Mesia, e Tatarahapa e ia Bapetizohia outou atoa i roto i te i'oa o Iesu Mesia ia matara te hara, e e horoahia mai te Varua Maitai ia outou.

O te faaroo Ia'na, o te maiti ia i te maitai.

O te tatarahapa, o te patoi raa ia i te ino.

No reira, e auraro atu outou i te Atua, e patoi atu i te diabelo, e na'na e mauê atu. E haafatata'tu i te Atua, e na'na e haafatata mai ia outou na; e horoi na i to outou rima, e te feia rave hara ra: e tamâ na i to outou aau, e te feia aau piti na. Iakobo 4:7,8.

Papathia e Le Roy Mallory.

Ua Riro Raua ei Hoê.

E rave â hoi oe, e te tamaiti a te taata na, i te hoê raau, a papai ai i nia iho, na Iuda e na te tamarî a Iseraela, o to'na ra mau hoa: e mai reira hoi, a rave ai i te tahi raau, a papai ai i nia iho, na Iosepha, te raau na Epheraima, e te utuafare atoa o Iseraela, o to'na ra mau hoa: a taati atu ai te tahi i te tahi ia hoê â raau; e ia riro ei hoê i roto i to rima na.

E ia parau mai te mau tamarî ra o to oe mau taata ia oe, ia na ô mai e, Eita oe e faaite mai ia matou i ta oe parau i tena na pue raau? E parau atu oe ia ratou, te na ô maira te Fatu ra o Iehova; inaha, e rave au i te raau a Iosepha, i roto i te rima o Epheraima, e na opu o Iseraela i to'na mau hoa, a tuu atoa'tu ai i reira, te raau a Iuda, a faariro ai ei raau hoê, e riro hoi ei hoê i to'u nei rima. Ezekiela 37:16-19.

I te matahiti 1843, a vai ai te Ekalesia i Navu, Ilinoi, ua ûrûhia te Peropheta ra o Iosepha Semita ia patu i te hoê fare, oia hoi te Aorai no Navu. Te mea teie fare i hamanihia'i, ei fare fariiraa ia i te mau manihini e te mau ratere o te haere na reira iho, ia mataitai i te tiaraa nehene-

he o te Hiero e ia faaroo atoa i te mau haapiiraa a te Atua i te vaha o te Peropheta.

E i te tahi mahana i taua matahiti 1843 ra, ua haere atu vau na pihaiiho i taua vahi ra, e mahana huru ve'ave'a taua mahana ra, no reira ua iritihia te mau uputa no taua fare ra, e ua ite atu vau i te Peropheta i roto mai i te paraparauraa i te hoê taeae o tei paturu ia'na i nia i te iri ra. Tomo atura vau i roto, no te mau taata atoa hoi taua fare ra, e aita i maoro i muri a'e i to'u aroharaa'tu ia raua ra, i na ô ai taua taeae ra: 'E Iosepha e, eaha te Buka a Moromona i parauhia'i e tatou e, o te raau ia na Iosepha i roto i te rima o Epheraima, a haapii noa mai ai te Buka iho ia tatou e, no roto mai Lehi i te opu o Manase? Aita hoi te hoê parau iti a'e no te parahiraa o te huaai a Epheraima, i nia i teie nei fenua i Amerika, i iteahia e au i roto i taua buka nei.' Ua pahono ihora Iosepha, na ô maira oia, 'A haamana'o na oe i te faarueraa o Lehi, e to'na ra utuafare, i Ierusalem e a haere atu ai ratou i roto i te medebara, faaho'i atura oia i ta'na ra tamaiti ra ia Nephi i te oire mai te faane atu ia'na e, e tii atu i te mau apï veo tei ootihia, i nia iho, te ture a Mose e te vetahi atu â mau tohuraa e rave rahi a te mau peropheta, e ia aratai atoa mai ia Isemaela e to'na ra utuafare. Te rahiraa o ta Isemaela mau tamarii, e tamahine ana'e ia. O teie Isemaela ra, na te huaai ia a Epheraima, e ua rave te mau tamaroa a Lehi i te mau tamahine a Isemaela ei vahine na ratou, i tupu hoê noa'i ratou e riro roa'tu ai ratou ei nunaa rarahi i roto i te ao nei.

Ahiri ra i vai mai ia tatou nei taua na apï e hoê hanere e ono ahuru aore ra i moe atu ia Maratini Haereti, ei reira oe e ite roa'i i taua parau ra, no te mea ua faaite papu roahia te hui tupuna o Isemaela i roto i taua mau apï ra. Ua poroi mai te Fatu ia'u ra e, eiaha vau e iriti faahou i taua mau

apī i eiahia ra; ia iriti ra vau i te parau no nia i te tahi mau apī a Nephi e tae noa'tu i te vahi i haamatabia'i te iritiraa matamua e i reira ia vau e haamata'i te parau haapato a Moromona. O te tumu ia i ore ai to Lehi tuatapaparaa tupuna i faaitchia i roto i te Buka a Moromona, mai to Isemaela atoa ra.

Teie mau parau i nia nei, e tatararaa ia te reira na te Peropheta ra o Iosepha Semita no te tuatapaparaa tupuna o Lehi mā.

Na teie nei tatararaa a te Peropheta i haaputa'ū i to'u aau i te hoê feruriraa vai noa, e no te mea hoi ua tai'o a'enei vau i te irava toru i te pene hoê ahuru aore o Alama, e te feruri noa ra hoi au ma te anaanatae i te ite e, eaha râ ia te tupu mai te mea e, to Lehi atoa ra hui tupuna e huaai ana'e hoi ia no Manase. I teie nei ua roaa ia tatou te papuraa no te hui tupuna a taua na utuafare e piti ra, e huaai iho â o Lehi no Manase, e o Isemaela ra e huaai ia oia no Epheraima. Ei te faaipoipo-amui-raa ta raua mau tamarii i tupu ai te tahi tohuraa a to ratou tupuna ra o Iakoba, te patereareha o tei parau i ta'na haamaitairaa i nia i ta Iosepha tau tamaroa e e hau atu o Epheraima ia Manase e e riro apipiti râ raua ei nunaa e rave rahi i roto i te ao nei. O oe te faahitihia e te tamarii a Iseraela ia haamaitai ra, e na ôhia ia, Ia faariro te Atua ia oe mai ia Epheraima e mai ia Manase ra: ua faariro atura oia ia Epheraima i mua ia Manase ra. Genese 48:20.

No te maramarama o teie nei tatararaa a te Peropheta ra o Iosepha, e hi'opoa maite rii atu â tatou i roto i te tuatapaparaa mo'a i haapii mai no te mau faaipoiporaa e te tahoê raa o taua na utuafare e piti ra. O te hui tupuna hoi ia ratou no te nunaa rahi tei noho i te mau fenua no Amerika Apatoerau e Apatoa, e ua fatata hoi i te piti tauatini e e pae hanere matahiti te maoro o to ratou nohoraa i reira.

E faaau na tatou i te rahiraa o na utuafare e piti. Ia amui-

hia te
no te
vahir
mau
ela,
o ta'
taata
nau t
e to
mo'a
i te r
melo

I r
taata
atoa
bana
turur
na bu

I r
ve Z
na;
mu i
Isem
poipo

Ea
i te f
ta te
ai te
ri no

E
raela
taua

hia te mau melo atoa no te utuafare o Lehi, tooono ia ratou no te opu o Manase, e teie to ratou mau i'oa, o Lehi e ta'na vahine o Saria, o Lamana, Lemuela, Nephi e o Samu. E mau tane ana'e ratou e o Saria ana'e te vahine. O Isemaela, ta'na vahine, to'na mau tamahine toopae e na utuafare o ta'na pue tamarii tamaroa toopiti, hoê ia ahuru e ma hoê taata no te opu o Epheraima, mai te mea e aita ta Isemaela nau tamaroa i fanau tama. No te mea ra ua parauhia raua e to raua tau utuafare atoa i roto i te tuatapaparaa parau mo'a, i huru papu ai ia tatou e, e huaai ta raua, e mai te au i te rahiraa o te mau mootua e rahi atu ia te tai'oraa o te mau melo o te utuafare o Isemaela ra.

I roto râ i teie nei faataaraa e haapao noa ia tatou i te mau taata ana'e tei faaite papuhia i roto i te Buka. O Zorama atoa te tahi tei faaitehia, o te tavini ia o te Raatira ra o Labana, tei haere mai na muri ia Nephi, i muri a'e i to'na tautururaa ia'na ia noaa mai te mau apï veo tei ootihia i nia iho na buka a Mose e pae.

I roto i te I Nephi, pene 16:7, i faaitehia'i tatou e, ua rave Zorama i te tamahine matahiapo a Isemaela ei vahine na'na; na faaipoipo tataitahi atoa o Lamana, Lemuela e o Samu i te mau teina no te vahine a Zorama, o te hopea ia o ta Isemaela mau tamahine toopae, ua hope roa ratou i te faaipoipohia i reira.

Eaha mau ra ia te fetiiraa o teie nei pupu taata tei fatata i te faarue i to ratou fenua ai'a ia roaa ia ratou te tahi fenua ta te Fatu i parau ia ratou, e aratai oia ia ratou a faaani atu ai te reira ei ai'a na ratou e na to ratou mau huaai e a muri noa'tu.

E tai'o tatou i te ture faaipoiporaa e haapaohia e to Iseraela, hou i ta tatou faaite poto raa i teie nei parau. Teie taua ture ra: "O te fetii ana'e ra o te opu a to ratou ra me-

tua ta ratou e faaipoipo. (Numera 36:6.). Ua ite ia tatou e ua riro Lehi e to'na na tamarii toomaha ei upoo no na utuafare e pae no te afa opu o Epheraima, e no teie nei utuafare atoa te vahine a Zorama e na tamahine tootoru tei horoahia na te utuafare no roto i te huaai o Manase. Aita tatou i papu maitai ia Zorama e no roto mai oia i teihea opu; e riro e e huaai paha oia no te tahi afa opu o Iosepha, e mea papu a'e ia feruri e no roto mai oia i te tahi atu â opu no Iseraela.

I roto i te heheuraa no te Buka a Moromona tei horoahia mai i te ava'e Tiurai i te matahiti 1828, ua faahitihia te parau e, no roto mai o Zorama i te huaai i maitihia no te haere i te fenua Amerika, e te riro nei te reira faahitiraa ei tautururaa i to tatou feruriraa e, no te utuafare ia o Iosepha o Zorama. Te na ô maira taua parau ra e: “ Noa'tu ra ia, e tere â ia ta'u chipa i mua, mai te ite i te Faaora i tae mai na roto i te faaite a te ati Iuda, e tae atoa mai ia te ite i te Faaora i to'u ra mau taata,—E i to te ati Nephi, e i to te ati Iakoba, e i to te ati Iosepha, e i to te ati Zorama, na roto i te faaite a to ratou mau metua.—E tae mai hoi te reira faaite i to te ati Lamana, e i to te ati Lemuela, e i to te ati Isemaela, o tei oriorio noa i roto i te faaroo ore no te hara a to ratou ra mau metua, o tei faatiahia, e te Atua, ia haamou i to ratou ra mau taeae i te ati Nephi, no ta ratou ra mau hara e ta ratou mau mea faufau ra.” B. F. 3:16-18; B. F. S. 2:6.

Te amui noa hia nei te mau melo êê no na utuafare o Iosepha e to Zorama atoa ei pupu hoê; na ratou atoa i faataata i te fenua Amerika, e ua riro ratou ei hui tupuna no te mau opu Iuitia e parahi nei i reira.

Eita ra te tumu o te mau tupuna no Amerika e oti i te haapapahia maoti ra e, na te toto ati Iuda, mai tei faaitihia i raro nei, oia hoi i te hopoi tîtiraaia te Arii no Iuda, o Ze-

dekia
mua
pū ta
ma h
ma i
tama
tapai
no re
Tei t
ka to
i te n
te me
huaa

I
haere
nua U
ti o te
F
ua pae
Te tita
e mai
tere.

U
moni,
ra ei f

dekia i Babulonia e i te taparahiraahia ta'na mau tamarii i mua i to'na mata, te poroiraa-hia mai, e te Atua, te hoê pŭ-pŭ taata ia haere i te fenua ra i Amerika. Hoê ia ahuru e ma hoê matahiti i muri a'e i to Lehi faarueraa ia Ierusalema i tupu ai teie nei mau mea. Tei rotopu ia ratou te tahi tamaiti ta Zedekia, o Muleka to'na i'oa; ua ora mai oia i te taparahiraa a te mau nuu a Nebukanesa. E toto Arii to'na, no reira ua topahia te fenua i tapaehia e ratou i to'na ra i'oa. Tei te pae apatoa ia no te tufaa fenua apatoerau no Amerika to ratou tapaeraa, e i muri roa mai i aratai mai ai Mosia i te mau taata parau tia no te fenua o Nephi, na roto mai i te medebara, e tae roa mai ai ratou i te fenua i nohohia e te huaai a Muleka ma, e o Zarahemela te i'oa o taua vahi ra.

E tuatihia teie nei parau.

TE MAU PARAU API

E taata faahoro pereoo uira tuiroo.

I roto i te hoê ve'a no te avae Tiunu i mairi a'enei, ua faaitohia e, e haere te taata faahoro pereoo uira tuiroo ra o Malcolm CAMPBELL i te fenua Utaha, i te ava'e Tiurai, no te faahoro i to'na pereoo uira i nia i te hiti o te Roto Miti.

E faahoro oia i to'na pereoo i te vahi i parauhia o Salduro. no te mea ua paari roa te miti papaa i taua vahi ra e tae noa'tu i te 14 maile i te roa. Te titau nei taua taata ia tae to'na pereoo i te tere ra e 300 maile i te hora, e mai te au i ta'na parau, o te reira ana'e te vahi e tano no te reira huru tere.

Ua faautuahia.

Ua faautuahia a'enei e 9 taata i te utua tapea, e e 19 taata i te utua moni, no te mea e melo ratou no te hoê Sotaiete Bibilia, e ua riro te reira ei faahaparaa i te ture. Tei Purutia te tupuraa te reira huru ohipa.

E Champion apî.

I te 14 no Tiunu i mairi a'enei, ua tupu te hoê motoraa haru hatua i rotopu i na taata ra o Max BAER te champion tahito e o James BRADDOCK te taata i titau i te hatua. E 15 rouds ta raua motoraa, e i te otiraa o te motoraa ua riro te rê ia BRADDOCK e o oia te champion moto no te feia tei-aha. Aita ra hoê taata i mana'o e upootia oia no reira ua varavra te taata tei parie i nia ia'na.

Ua pohe roa no te Hoê pene.

I te ava'e no Tiunu i mairi a'enei ua taparahi pohe roa te vahine ra o Saturnalia Grabowski i ta'na tamaiti ra o Chester; e te tumu oia i na reira'i oia e fiu ia. I taua mahana ra, i te ho'iraa mai taua tamaiti ra na te haapiiraa mai, ua haapahi oia i to'na metua vahine no te hoê pene; no te onoono o te tamaiti i te haapahi, riri atura to'na metua vahine, e i roto i to'na ra riri rave atura oia i te aupi pana arahu no te umu e taora atura i te reira i nia i te tamaiti e tei nia mau i te upoo te tanoraa; no te puai o te taoraraa ua parari te upoo o te tamaiti e pohe roa'tura, e ua tapeahia taua metua vahine no te hara taparahi taata.

Ua itoitō rii.

A ori haere ai na taure'area, o Dana WALLACE e o Vincent BOUR na roto i te ururaau, ua hohonihia o Dana e te hoê ophi taero. No te ravea ore i reira e te atea hoi o te vahi taata, imi atura o Vincent i te ravea ohie ia ora to'na hoa, e taua ravea ta'na i rave' teie ia, hohoni atura oia i te avae o to'na hoa, i te vahi i pau i te ophi e ote atura i te taero i rapae e i muri iho taamu haavi atura i taua avae ra ia mahu te toto, e amo atura ia'na i nia i to raaa pereoo uira. Ahiri aita i na reirahia oa pohe roa ia oia.

Louis Drollet Gérant

Le Roy Mallory Imprimeur.

Rue Dumont d'Urville, Orovini, Papeete, Tahiti.